



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 414; 033 726 409
fax. +387 33 726 423; 726 414
e – mail: info@voda.ba

Broj: **UP-1/21-3-40-113-4/22**
Datum: **14.03.2022. god.**

«Agencija za vodno područje rijeke Save» Sarajevo rješavajući po zahtjevu pravnog lica "GUMA M" d.o.o. Mostar - Podružnica Tuzla za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekata servisa motornih vozila i autopraonice izgrađenih u ulici Šićki Brod, općina Tuzla, na osnovu člana 139. stav (1) tačka 3., Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu "GUMA M" d.o.o. Mostar daje se vodna dozvola za ispuštanje tehnoloških otpadnih voda u prirodni recipijent sa lokacije objekata servisa motornih vozila i autopraonice, izgrađenih na zemljištu označenom kao k.č. broj: 1932/11 K.O. Bistarac, općina Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu pregleda dostavljene projektne i druge dokumentacije, utvrđenog činjeničnog stanja i uz slijedeće uslove:
 - 3.1. Da se upotreba i korištenje predmetnog kompleksa vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da vlasnik, odnosno korisnik poslovnog objekta za sve vrijeme trajanja ove vodne dozvole obezbjeđuje da se oborinske vode, kao i vode od pranja parking površina, manipulativnih površina servisa motornih vozila, od pranja alata i opreme, pranja motornih vozila iz autopraonice, koje mogu biti onečišćene naftnim derivatima i opterećene suspendovanim materijama, nesmetano sakupljaju i putem linijskih rešetki, slivnika i kanalizacione mreže odvođe do ugrađenog separatora ulja i naftnih derivata sa koalescentnim filterom, a zatim tako prečišćene upuštaju u bezimni potok, čiji je krajnji recipijent rijeka Jala.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda (separator, slivnici, rešetke, kanalizaciona mreža, odvodni kanali), redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Čišćenje, odvoz i konačno zbrinjavanje sadržaja separatora i drugog opasnog otpada povjeriti pravnom licu ovlaštenom za tu vrstu djelatnosti prema sklopljenom ugovoru.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa

- članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
- 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i zauljenim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
- 3.9. Korisnik objekta je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta "GUMA M" d.o.o. Mostar je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice "GUMA M" d.o.o. Mostar - Podružnica Tuzla obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekata servisa motornih vozila i autopraonice, izgrađenih na zemljištu označenom kao k.č. broj: 1932/11 K.O. Bistarac, općina Tuzla.

Uz zahtjev je dostavljena slijedeća dokumentacija:

- Ovjerena kopija aktuelnog izvoda iz sudskog registra Općinskog suda u Tuzli kod subjekta upisa "GUMA M" d.o.o. Mostar, bez broja izdatog od strane Općinskog suda u Sarajevu;
- Ovjerena kopija Uvjerenja o poreznoj registraciji, od 28.04.2014. godine, izdatog od strane Porezne uprave Federacije BiH, Kantonalni porezni ured Mostar;
- Kopija rješenja o odobrenju za izgradnju poslovnog objekta u ulici Šićki brod bb., izdata od strane Službe za prostorno uređenje i zaštitu okoline Općine Tuzla, broj: 06/10-23-003990/05 od 06.12.2005. godine;
- Izvještaj o monitoringu kvaliteta i kvantiteta otpadnih voda autoservisa i autopraonice GUMA M d.o.o. Mostar – P.J Tuzla, urađen od strane „TQM“ d.o.o. Lukavac, maj 2021. godine;
- Kopija ugovora za usluge čišćenja separatora i zbrinjavanje opasnog otpada za GUMA M d.o.o. Mostar putem sklopljenog sa „KEMEKO BH“ d.o.o. Lukavac dana 30.04.2021. godine;
- Glavni projekat izvedenog stanja (na uvid);
- Dokaz o uplaćenju upravnoj i administrativnoj taksi na zahtjev.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), izvršen je pregled predmetne lokacije i tom prilikom sačinjen zapisnik o uviđaju broj: UP-1/21-3-40-113-2/22 dana 10.03.2022. godine.

Objekat autoservisa sa autopraonicom i auto salonom izgrađen je u ulici Šićki Brod bb, općina Tuzla. U sklopu objekta su slijedeći sadržaji: prostor auto salona, kancelarije, autoservis, sanitarni čvor, garderoba, priručni magacin, prijem i otprema vozila, priručna kuhinja, autopraonica i parking prostor.

Prikupljanje otpadnih voda od pranja motornih vozila nakon servisiranja i pranja manipulativnog prostora autoservisa vrši se putem linijskih slivnika sa slivnom rešetkom i odvodi internom kanalizacionom mrežom u separator ulja i naftnih derivata sa koalescentnim filterom, u sklopu kojeg je i okno za monitoring prečišćenih voda, a zatim se prečišćene vode upuštaju u bezimni potok, čiji je krajnji recipijent rijeka Jala.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Meho Čaušević, B.Sc.inž.građ.

Po ovlaštenju

Rukovodilac sektora za izdavanje vodnih akata



Haris Ališehović, dipl.inž.građ

Dostaviti:

- „GUMA M“ d.o.o. Mostar, Šićki Brod bb, 75000 Tuzla
- AVP Sava, ISV – Vodna knjiga
- Sektor 50
- ④ Sektor 40, arhiva
- Oglasna ploča AVP Sava